



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispositio Et Perioche Historiae Evangelicae Per IIII.
Euangelistas contextæ, necnon Actuum apostoloru[m],
Epistolaru[m] quoq[ue] Pauli XIII. & Canonicaru[m] VII.**

Bullinger, Heinrich

Tigvri, 1553

VD16 B 9605

Liber X.

urn:nbn:de:hbz:466:1-35634

E V A N G E L I U M

quot acres & utiles quæstiones sive disputationes habitas inter dominum ac legisperitos. Principio de eo,
An census Cæsari pendēdus sit? Deinde, An mortui resurgant & quomodo resurgent? Hinc, Quodnam sit præstantissimum in lege mandatum: quis scopus & quodnam argumentum sit legis & prophetarum? Post hæc, Quomodo Christus cum sit Davidis filius, secundum carnem, possit simul eius quoq; dominus esse? Hæc omnia pro sacerdotali officio religiosissime, doctissime, clarissimeq; multo cum fidelium fructu exponit dominus noster. Postremo autem cum cerneret Pharisæos ac reliquos populi duces planè cæcos esse, induratos & incurabiles, grauißime in ipsos inuehitur, accusans eos grauißimorum & prorsus enormium scelerum: addit scelerum poenam, atrocissimum & gentis & urbis excidium. Hæc omnia egit palam, magna cum autoritate in templo dominus noster, his uarie & in multis utiliter suam erudiens ecclesiam.

L I B E R X.

Cap. 24.
Vaticinii
de excidio
Vrbis &
Orbis.

OBITER sed per frequenter meminit dominus noster hucusq; excidi gentis iudaicæ & Hierosolymitanæ urbis: in quo & abiectionem Iudeorum e dei consortio, & prophanationem templi, sacerdotij totiusq; cultus comprehendit. Hæc quoniam mira & incre

incredibilia uidebantur, dcum uidelicet populum illum ē
sanctis natum parentibus, locum item & cultum & sa-
cerdotium sanctum prophanaturum, plenius, discipulis
rogantibus, iudicium seu fatum populo & urbi impensa-
dens exponit, graphice describens quæ prodigia atq;
ostenta, quæ turbæ, calamitates, & miseriæ interitū illius
sunt præcessura, et qualis, quām crudelis, horrenda, ter-
ribilisq; futura sit uastatio. Mox occasione excidijs urbis
differit & de orbis excidio sive de consummatione sæ-
culti, & de glorioso aduentu illo filij hominis in iudiciū:
adhortans omnes homines ad sobriam & diligentē uigi-
liam, præmia proponens uigilantibus, & pœnam mīni Cap. 25:
tans inertibus sterternibusq;. Que protinus uenustissi-
mis copiosissimisq; illustrat parabolis, tam uigilantium Vigilandū
quām sterternū partes persequens. Postremo subiungit
Matth. descriptionem ac ueluti picturam quandam iu-
dicis uenturi & extremi illius iudicij: in quo à iudice
profertur contra omne genus mortalium sententia ulti-
ma, bonis quidem iucunda, malis uero tristissima. Nam
ita concluditur hoc negotium, Et ibunt hi in supplicium
æternum, iusti uero in uitam æternam.

LIBER XI.

S V B I V N G I T V R his omnibus ceu colophon
Se totius salutis nostræ absolutio perfectissima, sa-

C 2